

CASOCA Festival ta continuá pero bao di number di Carifest 95

ORANJESTAD - Casoca Festival no ta sigui mas. El a wordo cancelá debí cu e asociacion di músiconan ASOMA no ta participá mas den e festival aki. Siendo CASOCA un number di ASOMA, awor e festival lo sigui sin ASOMA bao number di CARIBFEST.

For di Beaujon and Silva Productions a ricibi e comunicado splicando un ke otro.

E comision cu tabata encargá cu organizá CASOCA 95 ta na altura di un comunicado cu ASOMA a manda pa prensa, den cual ta wordo avisá cu e

festival di CASOCA 95 ta wordo posponí.

Nos ta lamentá sin embargo cu ASOMA no a wordo avisá cu e show ta sigui, pero bao otro number.

ASOMA tabata bon na altura di esaki.

Nos como e comision organizador cu a hincá tur placa y tempo den e show aki, for di ayera ora cu cierto problemanna a surgi a informá Presidente di ASOMA cu nos mes t sigui cu e show, pero cu cierto cambianan.

Nos ta lamentá cu ASOMA no kier pa uza e number di nan

CASOCA.

Loke a pasa ta nada otro cu actonan unfair di competidornan, kende(nan) a haciturnan posibel pa boycoteá e show aki di tur forma, asercando varios di nos sponsornan.

Nos kier aclareá cu ningun momento nos tabatin of tin algun problema cu ASOMA.

Simplemente ta cierto hendenan, posiblemente tambe involvi den showbusiness a causa e problemanan en cuestion.

Pesey nos di Comision di Organizador di CASOCA, awor Comision Carifest, kier anunciá cu e show ta sigui mescos cu anteriormente anunciá, bao mesun plan, esta

un festival di música, cuminda y artenan Caribense.

Nos kier a avisá tur esnan cu a inscribí pa e show aki cu nan por tuma contacto cu nos na telefon 39677, pasobra tur cos ta sigui mescos.

E cambianan cu si tin ta lo sigueinte. E cantantenan di Isla Ariba, esta Mighty Dow y Mighty Greg a cai afó, igualmente Julian Marley y su grupo.

Tambe a cai afó All Stars Band di Aruba..

Ta reemplazá e gruponan aki: Eclipse di Aruba, e agrupacionnan di Rubadub local Basic One, e agrupacion nobo di reggae di San Nicolas 'Unity.'

E atraccion principal pa e

show aki; p ys Tabou Combo manera anunciá igualmente ta bin Papa Jube and The Jubilations.

E comision organizador di CASOCA awor ta operando bai di e homber di Caribfest ta participá tambe cu e cuater barnan pa cerbes, ta wordo bendí igualmente e tres barnan di softdrink.

Esnan interedá por tuma contacto cu telefon 39677 mientras cu esnan interesá den stands di artesanía, souvenirs y otronan, tambe por tuma contacto cu mesun telefon aki pa mas informacion.

Esnan cu ya a logra haña un di e standnan, por considerá cu e contrato lo wordo respetá. □